


Willem de Vink

Yesu Masihi

E MUNTU AMBAE KAUPITTULA E LUMWENGUO

Yesu Masihi Willem de Vink



NI NKEGA...



B'araka: Ni visaga vyotte vijure ambavyo Muyungu kafed'ani kuwapha wade ambao wahendani yade aiyokufed'ani ae.

Bibilia: Katika Bibilia unaweza kuona e bifa ya Muyungu aivyokuwarezani wanaad'amu ne bifa avyawashuhulikia.



Galumea: Kila kisaga kyakuwa haresa kona Yesu kagala lumwenguni. Mbingu ne ninchi zapittulwa na Muyungu zihende nyiphya.

Imani: Kumuamini Muyungu kwa kide ambakyo kaahid'i kukihenda.



Malaika: Ni ntumi ywa Muyungu ambae nkaonekana.

Masihi: Haye 'Ahiiyweo Mafuha'. Masihi (ni neno dya Kieburania) dittafasirigwa kwa Kiyunani ja Kiristto.



Mayombi: Ni kubula na Muyungu, mpoempoe au na sautti nkuyu na kumusikiiya yeye.

Musalaba: Ni muhi uiyo na mpacha ambao ukitumika kuttongesa muntu ddina. Na ndio ukitumika kumuphachikia Yesu kwa hiari yakwe mwenye. Uhenda ndo ishara kwe wafuasi wote wa Yesu.



Musamaha: Muyungu asamehe, ij'apokuwa havi muntu aywafakatta kusamehegwa. Muyungu asamehe kona d'ugha lili kuttub'u e nabhise zako na kwafed'ani kupittuka. Musamaha wapatikana kwavide Yesu kahuhaiya e hukumu yehu ambayo hwiwa hufakatta.



Mwana ywa Muyungu: Ni jina dingine dya Yesu. Ni Muyungu ajiyeo lumwenguni ja mwanaad'amu, ja Mwana ywa Muyungu.

Nabhise: Ne mambo hakaya hukahenda kinyume ne fed'i ya Muyungu ambayo yahukingiliza huseweza kuufikia e mupango wa Muyungu aiyonao kwehu.

Ntumi: Mufuasi ywa Yesu ahumiyweo.

Pasaka: Ni jila ya kusherehekea kufufuka kwa Yesu. E usuli wakwe, e jila ayo ilikuwa nja kukumpuka e uphonyo we Waisiraeli kuyawa na Misiri. E jila ayo nayo pia ikihanigwa Pasaka.

Ruhu Mutakatifu: Ni Ruhu ywa Muyungu ambae kafed'ani kuishi kizimuni mwa wade waiyokumuyubani Yesu.

Shettani: Ni ad'ui ywa Muyungu na wanaad'amu asieonekana (pia ahanigwa Muzuka).

Ufufuo: Yesu kafufuka kuyawa kwa wafu. Siku moja wantu wote wakujafufulwa kuyawa kwe wafu. Kisa Muyungu amuhukumu kila mwanaad'amu.

Ushirika: E wanafunddi wa Yesu wakaya na kukumpuka e kifo kyakwe ne ufufuo kwa kudya mukahe na kunwa divai.

Uttawala wa Muyungu: Uttawala wa Muyungu wakuwa phade ambapho wantu wamuttiini.

Uzima wa milele: Maisha phamoja na Yesu ja vide vya Muyungu afed'eevyo. Unashinda kifo na unad'akawa maisha yasi mwisio.

Yesu: Ni jina dye Mwana ywa Muyungu. E maana yakwe ni kwamba, 'Muyungu aphonya'.



YESU MASIHI NI GA?

Yesu kaishi kima kya myaka 2,000 ikiyeo katika ninchi ya Isiraeli. Hamuhana 'Yesu Masihi' au 'Yesu Kiristto'. Ya maana kwamba ni Haye. Sapha kwamba ni haye b'asi. Yesu kahanigwa 'Mwana ywa Muyungu' na pia 'Mwana ywa Wanaad'amu'. Ino ya maana kwamba ae ni Muyungu na mwanaad'amu. E masumuizi ya mambo yakiiyeo ye maisha ya Yesu yaelezwa mude mwe Bibilia. Wakatti wotte e masumuizi ayo ni makuyu sana.


WAKATTI WA YESU

E wakatti wehu ud'abha ne kuvyaywa kwa Yesu. Wantu wekisafiri na maguyu au na mpunda, ngamia au farasi. Sehemu nkuyu ya Ulaya, gama ya Kahi ya Muyawa Juwa, na gama ya Juyu ya Afrika ziwa chini ya utawala wa Kiroma. Wantu wengi wewa hawaji kusoma na kuanddika, amo e Wayahuddi wa Isiraeli wewa wamanya. Wekihanigwa 'E wantu we Kitab'u'.

Muyungu kabulani mude kitab'uni, e Bibilia. Ae ndo Muumba ywa kila kisaga na kafed'ani kuwa musau ywa kila muntu. Yesu kadiagiza adyo jureni sana.



NINCHI YA ISIRAEI E WAKATTI WA YESU



Muji mukuyu: Yerusalemu

Maj'imbo: Galilaya, Samaria, Yudea.

Ukuyu: Kumarika ninchi yotte, ni kama kilomita 28,000 (maeli 10,810)


Hali ya hewa: Hali iiyo na vukuti na ukungu.

Siasa: Hangu mwaka wa 63 kab'ula ya Kiristto, Waisiraeli wattawaligwa na Waroma.

Sirikali: Pontio Pilato, Muttawala ywa Kiroma, kattawala Isiraeli. Tiberio, muttawala mukuyu ywa Kiroma, ekimuttawala.

D'ini: E Wayahuddi wewa wantu wa d'ini ya Kiyahuddi. E Wayahuddi wewa na hekalu Yerusalemu. Vya makuhani ambao wakaya na kuhenda kila aina ya kazi ya kid'ini na vya walimu (ja Mafarisayo) ambao ni haddi wawayongoeze e wantu kulingana ne Torati ya Musa.


Lugha: Kieburania ni lugha ya Wayahuddi. Kiyunani ni lugha ya Wayunani ambayo yabuligwa ninchi garagara. Kilatini ni lugha ya Waroma.



Mboni wantu wengi wajiana phamoja kude chana?



Muwe ttayari, e
uttawala wa
Muyungu wakujani.



D'awani kuishi maisha maphya.



E shoka dye hukumu ya Muyungu dya ttayari kuikenta e mizi ye muhi.



Kila muhi usiovyaya matunda majure wakentwa na wafattulwa mohoni.




Asu sotto pia haweza hukakekentwa. Vya muntu aywad'una kuishi maisha majure?



Ni d'ugha lili, havi muntu aywad'una kuiddarama e hukumu ya Muyungu. Amo, b'aad'a yangu, vyakujani yude ajieyapittula e maisha yenu kab'isa.



Ni d'ugha kwamba mwafed'ani e maisha yenu yapittuke? Ddubha, ttimani e nabhise zenu na muje muttopyegwe muno mwe maji yano.





Iino musakusafiswa e nabhise zenu na mwa ttayari kud'awa kuishi maisha maphya.

E muhub'iri ywa phade chana wantu wotte wakaya na kumuhana Yohana Muttopya.

Ami simi e ywe muhimu.
Namuttayarishiani ngia yude ywe kuja ahumanyise yade ya Muyungu aiyokufed'ani.
Akujamuttopya na Ruhu ywa Muyungu na moho wa Muyungu. E hendo adyo dyamupittula anyu b'esi!




Kisa...



Ami ni haddi unittopye wewe!



Awe nittopye. Nasu hakuwa haittimizani e fed'i ya Muyungu.




Baba, e uttawala wako nauje ne fed'i yako ihendeke.



Kisa sautti kuyawa mbinguni yasikiywani ikyamba...

D'ugha, awe ndiwe e mwana ywangu ambae nikujama, ne moyo wangu ujamiswa nawe.



Yohana Muttopya kawattayarishani Waisraeli
ew akatti wehu uno ddubi ye kuja kwe Masihi.
Isiraeli ilikuwa in in chin chuchu b'asiye
uttawala mukuyu we Kiroma.



MUJI WA KAPERINAUMI
MUJI WA NAZARETI
MUJI WA KANA
J'IMBO DYA
GALILAYA
MUJI WA
YERUSALEMU
J'IMBOD'YA
YUDDEA
NINCHI YA ISIRAELE

EW ayahuddi ninchini
Isiraeli, w ajiona kwamba
waoneywani na hawa uwezo
wa kujiheheha. Wantu
waurebanin ah amue
wakatti we kuja kwe Masihi.
E Masihi yuno ndo
Mukombozia mbae ek uja
kwakwe kuahid'igwa
kizimuni mwev itab'u vye
Wayahuddi. Ae aihendezae
haki ya Muyungui onekane.


Phadep he chanay aY oroddani, Yohana Muttopya
kamulottaY esuk uwayagizae wantu.

Herezani, Y uden do Mwanangozi
ywaM uyungu aywanusae nabhise
zotte ze lumwengu.



B'aad'a ya Yesu kuttopyegwa,
e Ruhu ywaM uyungu
kamuongoza Yesu yuwandani.

Kakaya kude yuwandanik wa siku miongo
mine, h alikuma na muchikahi. N kekidya
kidekyonchi. Ekifungan ak uyomba ilia pate
kujittayarishaj urenik we kazi yakwe.



Ili apatek uikamilishae kazi yakwe,
iwan ih addi Yesu auyagizae
lumwengu yade ya Muyungu
aiyokufed' ani. Ni fed'i ya Muyungu
kwamba wantuw otte wawekwe
huru kuyawana na ogaw ak ifo.

Yesu kad'emegwa na Shettani, e muttawala ywe
nguvuz ak iza siyeonekana. Ae kattawalinie
lumwengu kwan giay ak uyehak ifon a mazuka.



Ndivyo
Baba, na
ttayari
kuhenda
didedyonchi
uidyokufed'



Amo Shettani, e ad'ui ywakwe, kad'ema kumupha Yesu mattaro mazuka ili apate kumushaka aseittimiza e kazi ya Muyungu.

Kona d'ugha lili awe u Mwana ywa Muyungu, he yapittule e mawe yano yawe mukahe.

Moro! Ianddikwa kitab'uni, "Muntu nkaishi kwa kudya kyakudya b'asi, amo aishi kwa kuyuba kila neno adyanena Muyungu."

Kona d'ugha lili awe u Mwana ywa Muyungu, jivue muchangani kuyawa juyu ye hekalu. Koro vianddikwa kwamba e malaika wakuchukuya juyujuyu.

Hereza, nakupha e mamulaka yotte ya muno lumwenguni kona kunivunjia nkuhi ili kuniab'ud'u ami.


B'aad'a ya ayo, Shettani kamuyacha Yesu nguzi kwa mud'a. Kisa malaika waja wamutumikia.

Pia vianddikwa maanddikoni kwamba, "Sijomud'eme B'wana Muyungu ywako."


Ninukie na phano Shettani awe! Koro vianddikwa Maanddikoni kwamba, "Umuab'ud'u B'wana Muyungu ywako na umutumikie yeye

Yesu akokugalani e j'imbo dya Galilaya kajaya Ruhu Mutakatifu. Ae kakuya amwo mwe j'imbo adyo diidyokuwa na wantu wengi sana na diidyo gama ya juyu ya ninchi ya Isiraeli. Kona ka kyaroni, wantu wengi wekijiunga nae. Wekittara na kujiuza kwamba gafi Yesu ndo Masihi ambae e manab'ii waanddika kumuhusu...

Kwiwa na harusi muji
uhaniyweo Kana uiyokuwa
katika vilima vya Galilaya.



Yesu nae ewa e bia ye harusi
ayo phamoja na nina na
b'aadhi ye wasauze.





Kaperinaumi ulikuwa muji wa wavuvi ambao uendelea sana, na ulikuwa geri ye ziwa dya Galilaya. Apho ndo pha Yesu akid'awa kusumuiya wekeani kuhusu e uttawala wa Muyungu.



Na apho ndipho Yesu akiwachana e wanafunddi wakwe wa ddura.



Pettero, nahuphiikeni e mashua mupaka kude ntumbani, ako ndiko mujekozihega e nyavu zenu.



B'wana, hulowa halikuma zima na wala sahukud'akawa kidekyonchi.




Amo kwavide awe kunena ja avyo...




Aj'ab'u sana! Hatta sikokuaminini e macho yangu!





Yesu akiwa ne wanafunddi wakwe kazittembeeya gama zotte za Galilaya. Ekiyongoeza wantu wotte kuhusu e uttawala wa Muyungu. Kaphoza aina zotte za mag'onjo na kayavya mpepho zuka zotte. E wantu wamaka na wamuyuba. Wangine wao wayawa na maj'imbo garagara ya Yerusalemu, e muji mukuyu wa Isiraeli. Wekihindiiya kila neno ambadyo ekibula.



E mambo yade ambayo mwafed'a wantu wengine wamuhendee anyu, nanyu wahendeeni ao javyavyo.



Yudeywonchi ywa kumureza muke kwa kumuttamani, akuwa kwamba kesakuonana nae kimwii mude moyoni mwakwe.



Namusekuwa na wasiwasi udewonchi kuhusu keso. Ttawani nguzi e uttawala wa Muyungu kisa yade manginge yakuja b'aad'ae.



Wajameni e maad'ui zenu na muwe mukiwayombea.




Jicho ndo ttaa dye mwii. Kona e jicho dyako ni jure, b'asi e mwii wako wobadda wakuwa katika muanga. Amo kona e jicho dyako ni zuka, unaishi kizani.



Hendani yano niyokumwambiani muyahende nanyu mwakuwa ja muntu ambae kaimbaka e nyumba yakwe juu ya mwamba. Kona hamukuyahenda ayo, nanyu mwakuwa ja muntu ambae kaimbaka e nyumba yakwe sangani.



Namusehenda majure ili mupate kujiagiza usoni kwa wantu.



Havi muntu aywad'una kutumikia mab'wana wawili, kutumikia Muyungu au kutumikia mali.



Siku moja, Yesu aiphokuwa nyumbani e muji wa Kaperinaumi, e wantu wattuttaa ...

Sahad'una kungia mude kizimu ddubi ye ttutta ye wantu.

Ni haddi humungize ae na lingo wakwe kukiia kwe ddari dye nyumba.

Ako juyu vya nkega?

Wayacheni. E wasau ao wa imani nkuyu.

Kusamehegwa e nabhise zako.

Awezaji aywo kunena ja avyo?

Kamukufuruni Muyungu!

Aywaweza kusamehe muntu nabhise ni Muyungu hweke d'oku!

Diidyo rahisi kumwambia muntu ambae kanafatta ni dhiphi: 'Kusamehegwa e nabhise zako' au 'Sumama uphihe'?

Ami Masihi na mamulaka ya kusamehe nabhise. Amo pia namba: Haya e lingo wako na uphihe!



Amo sapha wotte ambao wafurahia e mahendo majure ya Yesu ahendeyeo. E viongozi we kid'ini wamuuza,



E ttutta ye wantu ikizid'i kungezeka, Yesu
kanuka ne wanafunddi wakwe wanga
mashuani wakosya e ziwa dya Galilaya.






B'wana
husaid'ie,
hahohani!



Mboni mwahiyogani?
Koro anyu hamu imani?





RAAAA!




Vya muntu aiye na mepho zuka. Aishi hweke milimani...




Hayude!
Salaala!

Hayude kakujani!



Ee Yesu!
Ee Yesu!




Awe Yesu
Mwana ywa
Muyungu
aiye juyu,
una lombolo
ga nasu?

Mpepho
zuka anyu,
muyaweni!






Awe
unahanig
wa ga?

Nahanwa
J'eshi, koro
asu hu wengi.




Huruhusu
huwangie e
nguyuwe
wade.

Haya
endani!






Namwambiani, ami siwezi kuhenda lombolo didedyonchi, isiphokuwa dide ttu ambadyo Baba kafed'ani nihende. Sihaj'a kuhenda yade niyokufed'ani mimi, amo nahaj'a kuhenda e fed'i ya Baba ywangu. Ae ndiye akinihuma.



Kwa kawaid'a, Yesu ekyenda na kuyomba b'ad'e pha udhuma.




B'aad'a ya kuyomba halikuma zima, Yesu kawachana e wanafunddi wakwe kumi na wawili. Kawahuma wawili wawili. Kawapha mamulaka ya kuyavya mpepho wazuka wotte na pia kuphoza wag'onjo.



Wano ni ndugu wawili, Petttero na Andderea...



E ndugu wawili wano, Yakobo na Yohana...



Filipo na Natanaeli...


Tomasi na Matayo. Phade ddura Matayo ewa muhaya kod'i kwe sirikali ya Kiroma.



Tadayo na Yakobo yude yungine,



Simioni (mupinzani baryedha) na Yudda Isikariote.



Endani! Yudeywonchi ajiemupokea anyu, kanipokea ami. Na yude ambae kanipokea ami, kamupokea yude ambae kanihuma.



E ntumi kumi na wawili wano wagala wakiwa waifurahia e kazi yao wahumiyweo kuhenda. B'aad'a ya ayo, Yesu kafed'a kwenda nao phantu pha udhuma, amo e ttutta ye wantu haikufed'a kuwayacha wao hweke.

E mavuno ni mengi, amo e wavuna ni wachuchu. Muyombeni B'wana e mwenye nkonde angeze e wantu we kuvuna waje wavune e mavuno yakwe.



Yesu kaendelea chena kuhub'iri na kuphoza wag'onjo. Sasa e jua dyakuchwani...

Filipo, kyakudya kya kuwadyesa
e wantu wano wotte hakiguya
kuphi? Anyu hamwawafukulia
kyakudya wadye?

Hatta kona ha waro ya kima kya
mushahara ambao muntu apata
kwa myezi minane, hawattosha
kuguya kyakudya kya kuttosha
kila muntu aiye phano.


Phano vya murugu aiye na
mikahe michano na nisu wawili.
Havi kidekyonchi kya zaid'i.

Wawekenki kihako e wantu
vittaro vya wantu miongo
michano michano.

Yesu kamushukuru
Muyungu...

Kaendelea kugisa e
mikahe ne nisu...

Yesu kakingeza e kyakudya
akyo na maalifu ya wantu
wadya na wakuha...



Yuno ni haddi
humuhendeze
haye!



Hakika yuno ndo nab'ii
yude ambae hukimureba
aje phano lumwenguni.

Herezani! Vya
vihasi kumi na
viwili vye masazo
ye mikahe!



Sasa ni wakatti we wantu wano kukia
makwao. Anyu ngiani mude mashuani
muyongoe mukosye mondo. Ami
nahafani phano mulimani niyombe.






Vya wantu ambao wekifed'a kumuhendeza Yesu awe haye. E mattumaini yao ni kwamba, kukiia kwe utawala wakwe, e utawala we Kiroma wanusigwa. Ij'apokuwa, e wapinzani wa Yesu nao waendelea kungezeka. Waendelea kumulaumu kila siku. Wekifed'a kumubigizanya ne wantu na wamuyage.



B'wana, koro kuja li kuno?

Yani mwanittawani ddubi ye mikahe ide mukidya mupaka mukikuha?



Sihangaikieni kyakudya ambakyo kyananangika, amo hangaikiani kyakudya ambakyo hakyananangika na kyawapha wantu uzima wa milele.



Ami ndimi e mukahe ambao wawapha wantu uzima wa milele. E mwii wangu ndio ambao wayavigwani ddubi ye uzima we lumwengu.



E muntu yuno awezaji kuhupha e mwii wakwe huudye?

Ni upuudhi muhuhu!



Hwendeni zehu!

Yuno kad'emani kukakara kila muntu.



Iino cha nanyu mwafed'ani kuniddarama?

B'wana, huddarame hwende kwa ga na hali awe ndiwe uiye ne maneno ya kuhupha uzima wa milele?




Mara nyingi, wantu wekiyagwa battini ye muji wa Yerusalemu. Wekiyagwa kwa kuphachikwa musalabani. Kuyagwa kwa kuphachikwa iwa ndo adhab'u ya kikattili ye Waroma.



Yudeywonchi afed'ee kuniyuba ami ni haddi aziyache e ngia zakwe zuka, auchukue e musalaba wakwe na aniyube.



Yudeywonchi afed'ee kuyaphonya e maisha yakwe ya phano lumwenguni, ajichoweza maisha ya uzima wa milele. Amo yude aiye ttayari kujichoweza e maisha yakwe ya phano lumwenguni ddubi yangu, aywo ad'akawa maisha ya uzima wa milele.



Ni haddi umanye kwamba, vya Muyungu mumoja d'oku.



Lombolo diidyo muhimu ni kumujama B'wana Muyungu ywako na moyo wako wotte, na kujama wantu wangine ja vide ukijijama awawe mwenye.



E wakatti ao, ninchini Isiraeli, kwiwa na vimiji vya wantu waiyokuwa na ug'onjo wa ukoma. Ukoma ni ug'onjo wa kuhiyogesa. Wade waiyokuwa ne ug'onjo ao, hawaruhusigwa kuttanganyikana na wantu ambao hawa ukoma.



E wantu we ukoma kudekwonchi wendeeko ni haddi wabige mach'ara ili kuttahadharisha wantu kwamba ao wakujani.

Manyani! Asu ha ukoma!



Yesu B'wana, hufwee ttei!





Endani
mukajiagize kwe
makuhani.



Hwende kwe kuhani?
Hukapimwe?

Kisa? Haphoya?



?

!



Hereza!
Niphoya!



Huphoya!

Ehe, sasa
nad'una
kuphiha!



Mushadheni B'wana!
Muyungu ni mwema!
Asantta sana
Muyungu!



Si vitakaswa wantu kumi? E kenda
wa kuphi? Mboni hawakuja
wamushukuru Muyungu?



Sumama kiwima! E imani
yako haikukuphoza ttu,
amo pia ikuphonya.

E viongozi we Kiyahuddi waiyokuwa Yerusalemu, wahuma e watumishi wao kwa Yesu ili wapate kumuchunguza e wakatti ka safirini. Ao wekizipinga kab'isa e hud'uma zakwe njure azo.

Kashirikiana na wantu waiyokuwa na amala zuka ja mababadde na makakatte, wahaya kod'i ambao wekiwatumikia e Waroma...

E Masihi kaja kuwattawa na kuwaphonya wade wasukaniyeo.




Kwavide Yesu aphoza wag'onjo na siku ya Sabato...

Phoya!



Na wana kawajama na bifa ya kivyakwe...

Wayacheni e wana ao waje kwangu. E uttawala wa Muyungu mbwa wantu waiyo ja awao.



Yesu kahanigwa kwenda Betania, kimuji kiikyokuwa hafuphi na Yerusalemu. Lazaro ni mug'onjo. Lazaro phamoja ne wanduguzwe wawili, Mata na Maria, ni wasau wa Yesu. Yesu akifika Betania, kapata odhu kwamba Lazaro kesakuzikwa siku nine zikiyezo...



B'wana, kona ungekuwa phano, e ndugu yangu nkangenafwa.

E nduguyo afufuka, Mata.

Gula nimanya! Nimanya kwamba afufuka e wakatti we ufufuo, e siku ya mwiso.

Ami ndimi e ufufuo ne uzima. Yudeywonchi aniaminiyeo, hatta kona kafwa aishi chena. Mata kuyaamini ayo?

Niamini B'wana. Niamini kwamba awe ndo Masihi, e Mwana ywa Muyungu ambae Muyungu kaahid'i kumuyeha lumwenguni.

Mumuzika kuphi?

B'wana, njoo hukuyagize.



Herezani!
Kamujama
Lazaro sana!

Amo nkangeweza
kumuhendeza
yuno afweyeo
asenafwa?



B'wana, e saa zino
nkakokununkani? Hangu
akizikwa, yeo a siku yane...

Mwauona e utukufu
wa Muyungu.



E bia ino, wafu wamamarwa sandda
na kuzikwa makab'urini ambayo
yachongwa mwambani.

Dipipiryeni
mudinuse e j'iwe.



Baba, nayanenani yano ili e
ttutta ye wantu wano
wasumamiyeo phano, wapate
kuamini kwamba awe d'ugha
lili kunihuma.




**Lazaro,
yawa kuno!**



Mufungueni e
sandda ende zakwe.

E wattawala wa Yerusalemu
wangiywa na wasiwasi zaid'i kuhusu
Yesu ne wafuasi wakwe...



E muntu yuno kahendani
miuj'iza mingi sana.

Kona humuyacha aendeleo kuhenda ja
vino, e Waroma wahuhaia hattua nkali.

Wadinangananga e
Hekalu dyehu phamoja ne
kietti kyehu kyotte.



Tumiani hekima. Ni heri
vifwe muntu mumoja ddubi
ye kietti kyotte, kuliko
kunanangwa kietti kizima.



Ino ndo maana ni
haddi Yesu afwe.




Hangu e wakatti awao, e
viongozi we Kiyahuddi
wekittawa nafasi ya
kumukab'idhi Yesu kwe
Waroma. E Waroma ndiwo ttu
waiyokuwa na mamulaka ya
kuyavya adhab'u ya kufwa.

E wakatti awao, kwiwa na jila
katika e muji wa Betania.



E marasha ayo
ya thamani
nkuyu sana.



Maria!



Kona
yangeguzwa,
hakungepatikan
a waro fakana
ya kuwapha e
maddyegha?



Yudda, muyache e mama
aywo. E marashi yano yaweze
kuuttayarisha e mwii wangu
kwe maziko yangu.

E sikunkuu ye Pasaka ya hafuphi. Malongo ya wantu wasafiri kuelekea Yerusalemu.



Mujini Yerusalemu, e viongozi wekipanga njama za kumukaba Yesu. Amo cha javyavyo, Yesu kenda Yerusalemu.



E wantu wamukongonisa
na shangwe.

Karib'u!

Karib'u!




Haye ywa
Isiraeli!

Kab'arikiywa ae
aiye kujani kwa jina
dya B'wana!



Batto Yerusalemu,
ttambere ungeyarara yade
ambayo kwafed'ekanani
uyahende ili ud'akawe
naghea, amo kwako
yafichwa nkukokuyaonani.



Sasa
huhendeji
kona mambo
ni yano?

Lumwengu wotte
wamuyubani yeye.

E Hekalu diidyo mude
mujini, ndo sina dye
ib'ad'a ze Kiyahuddi.

Wakatti wa Pasaka,
vyachinjwa wana ngozi.


Vugia ya mwanangozi
yayavigwa hekaluni ili
wantu wawe na mapatano
na Muyungu.

Amo, ni vugia ga ya mwana
ngozi ambayo d'ugha lili
yaweza kuwanusia wantu e
nabhise zao?

Phade phe uwanja we hekalu,
wantu wekijimuddamisa na
b'iasara na kujijiriana waro.

Aphapho kame, Yesu
kawacholokea...





Kona humuttawia ngia ya suwe ya kumukaba, haweza hukamupata na hukamuyaga.

Amo husehenda ayo e wakatti we jila ye Pasaka, koro e wantu waweza wakayeha fuj'o.

Kona nimungiza Yesu mikononi mwenu, mwanipha nkega?

Aywo ni Yudda, mumoja ywe wanafunddi wakwe.




Namungiza Yesu mikononi mwenu.





Hakupha vipande vya fedha miongo mihahu kona kuhukab'idhi Yesu kwehu. Vipande vya fedha miongo mihahu ni b'ei ya kuguiya muhumwa.




Kab'ula ye sikunkuyu ye
Pasaka, Yesu ekikaya na
kuwahub'iria e wantu mude
hekaluni. Ij'apokuwa, e
viongozi kuttwa wekittawa
vikwazo vya kumuwekea ili
aseendelea kuhenda ja avyo.



E iba dyakwe, Yesu ne wanafunddi wakwe
kumi na wawili wapatana kude mujini ili
wadye e kyakudya kye Pasaka.



Nahenda ja
avyo e
halikuma ya
yeo.



Niwa nittamani sana kuidya e
Pasaka ino phamojani nanyu
kab'ula sijattongeswa ddina.



E wattawala we kilumwengu
wawattawala e wantu wao
kinguvunguvu. Amo kwenu
naisekuwa ja avyo.




Yudeywonchi afed'ee
kuwa mukuyu kahi yenu
ni haddi awe mutumishi.



Ami na ja mutumishi
kahi yenu.






Kayani na kudya e mukahe phamoja ja vino kwa kunikumpuka.



Gwiyani e mukahe uno mudye, koro ne mwii wangu.



Gwiyani e kikombe kino kye divai munwe. Uno ndo mwazi wangu uiyo ja hakikisho dye d'amano dya Muyungu aidyokuhendani ne wantu wakwe. Ni mwazi ukwihiyweo ddubi ya kuyachia nabhise za wengi.



Namuphani amuri nyiphya, jamanani javide vyangu nimujamievyo anyu.



Kona mujamana, wantu wamanya kwamba anyu mu wanafunddi wangu.



B'wana, ami nakuyuba kudekwonchi ukokwendani. Na ttayari kufwa ddubi yako.



Kab'ula e nkuku nkajawik'a, unanikana mara ntahu kwamba kuniji.

B'aad'ae, e ibadye, Yesu ne wanafunddi wakwe wauyawa e muji. Yudda nkakuwa phamoja nao.

Ami namuyachani, amo Baba amuhumia e Ruhu Mutakatifu ywakwe. Aywo, amusaid'ia na akuwa phamoja nanyu saa zo badda chwe.

Anyu muimanya e ngia ye kwendea kude niikokwendani.

Ami ndimi e ngia, ndimi e d'ugha na ndimi yude aywawapha e wantu uzima wa milele. Havi muntu aywad'una kwenda kwa Baba b'ila ya kukiiya kwangu.

Kayani phano, ami nakwendani phade kausoni nikayombe.

Baba ywangu, nakuyombani kona yawezekana uninusie e maddina yano.


Amo sapha kwe fed'i yangu, e fed'i yako ihendeke.



Yesu kaphiikwa kwe kuhani mukuyu, ambae ndo kiongozi mukuyu ywe viongozi wotte we Kiyahuddi. Pettero na Yohana wamuyuba na kuwe.



Pettero kangia mude uani mwe Kuhani Mukuyu.



Che muntu yuno nae ewa phamoja na Yesu!



Hereza awe, e muntu aywo ami simuji!

Cha nawe u mumoja ywao!



Hereza awe, aywo ami simuji!

Na hakika kwamba awe nawe ulikuwa phamoja na Yesu, koro cha nawe u Mugalilaya!



Hereza muntu awe, ami sikiji cha kide uikyokunenani!



Yesu kaphiikwa usoni ya Pilato, aiye kuwa liwali ywa Kiroma. E viongozi we Kiyahuddi wawashashaka wade waiyokurezani. Wabiga mach'ara na kuyavya maeru mengi mengi ya suwe.



Anafi yano yotte waiyokukusittakini nayo nkukokuyasikiani? Nku dya kubula?



E muntu yuno sikumuonani na chowa didedyonchi. Ino ni sikunkuu ya Pasaka, mwafed'ani nimufunguiye ga? Nimufunguiye Baraba au Yesu ambae ndo haye ywe Wayahuddi?




Kwani kuhenda nkega?



Nija lumwenguni niisumuiye e d'ugha.




E d'ugha ni iphi?










Vya kib'ao ambakyo kyaandikwani kwa lugha ntahu na kyawekwani juyu musalabani. Nakyo kyamba: "Yesu, Haye ywe Wayahuddi."

Yesu kajiza kunwa e muvinyo ye kuyaga e maumivu ye mwii.

E maasikari wagisiana e masoga yakwe kwa kuyabigia kura.



Awe wengine nkukuwaphonya?

Kona awe u Mwana ywa Muyungu d'ugha, suka sambu na phano musalabani!



Koro awe nkamuhioga Muyungu. Asu hufakatta kuhukumigwa kwe mazuka yehu huhendeyeo, amo ae nkakuhenda chowa didedyonchi.

Ddubha si ujiphonye na uhuphonye cha nasu?



Nikumpuke nami ujephokuja kuttawala.

Amini nakwambiani, yeo dino unakuwa phamoja nami Paradiso.



Hangu saa ntandahu mupaka
saa kenda e lumwengu wotte
ungia kiza.



E nina Yesu ambae ni Maria, na
Yohana e mwanafunddi ywa Yesu,
wasumama hafuphi ne musalaba.

Anyu sasa mu mama
na mwana ywakwe.



Muyungu ywangu,
Muyungu ywangu,
mboni kuniyacha?

Nasikiani
nkilu.




Baba, e ruhu yangu
naiwekani mikononi mwako.



Disia.

Yesu kafwa saa kenda za muchikahi. Mumoya ywe maasikari, kamuttorani fumo dya mbavu na kame aphapho vich'irik'a mwazi na maji.



E maanddiko yamba, "Ewa ja ngozi aiyekuphiikwani akachinjwe."



"Kattorwa na kaumizwa vib'aya ddubi ye nabhise zehu." Kafwa ddubi ye nabhise zehu.




Kwani aywo ndo Masihi ambae vittab'irigwa kwamba njukuja au moro?



Njoni hwende hukayombe huuphegwe e mwii hukauzike.



Yusufu ywa Arimataya na Nekoddemo wenda wauhaya e mwii wa Yesu. Waumamarya na sandda phamoja na mafuha ya marashi, kisa wauzika. Wapipirya j'iwe kuyu wadigombisa phade kanwani phe kab'uri.



E siku ye Sabato ikikia, na ikifika magura ya siku ya d'abho ye j'uma, b'aadhi ya wake waiyokuwa masikittikoni, wenda kude kab'urini.



E j'iwe dipipiriswa na phade kab'urini.



Mboni mwattawani muntu aiye rigo kahi ya wantu wafweyeo? Kafufuka! Endani mukawambie e wanafunddi wakwe.



Wakisikia ja avyo, Pettero na Yohana wanuka na walamia kude kab'urini.





Vihendeka nkega?



E kab'uri ni huhu b'esi!







Kwa mud'a wa siku miongo mine, Yesu kawacholokea e wafuasi wakwe. Hatta kawacholokea waumini zaid'i ya d'iba nchano kwa bua. Vya siku, b'aadhi ye wanafunddi wakwe wewa katika ziwa dya Galilaya walowani...

Wana wangu, hamu kisaga kya kudya kab'isa?

Moro, sahu jagwiza kisaga!


Ihegeni e nyavu yenu gama ya mukono kuyume ye mashua.

Sapha nisu wengi wano!


Yuno aneneyeo nasu ni B'wana!

Mwalimu!

Njoni hufungue kanwa.



Pettero, kunijama d'ugha?




Yesu kamuuza Pettero e swali adyo mara ntahu...



B'wana wewe mwenye kumanya kwamba ami nikujama.

Ddubha wattunze e ngozi wangu.



Niyube!

E mamulaka yotte ya mbinguni na lumwenguni niyaphegwa mimi. Endani kwa wantu wa vietti vyotte mukawahendeze kuwa wanafunddi wangu. Wattopyeni kwa jina dya Baba na Mwana na Ruhu Mutakatifu. Wayongoezeni kuyagwiya yade yotte nimuamuriyeo anyu.



Herezani, nami nakuwa phamoja nanyu siku zotte, mupaka e mwiso we lumwengu.

B'aad'a ye maneno ayo, Yesu kanuka lumwenguni, kahaywa kwenda mbinguni juyu. Amo kamba, auya chena kuwahukumu wantu wotte...

Yesu kanuka. E wafuasi wakwe wakaya mayombini wakimureba kude Yerusalemu. E Ruhu Mutakatifu ywa Muyungu kawasukia na kangia myoyoni mwao. Yuyude Ruhu aiyekuwa moyoni mwa Yesu sasa kaishini myoyoni mwao. Kawawezesa wawe wantu waphya wakiyavya ushuhud'a wa Yesu kwa ubaryedha mwingi.

Kifo hakinged'una kumuhendeza asefufuka. Muyungu kamufufula kuyawa kwe wafu na kamuhendeza awe B'wana ywa Mab'wana.



E wanafunddi wa Yesu wakwenda kila bia muno lumwenguni na kuhub'iri e Odhu Njure, licha ya upinzani mukali.

Yesu ndo Mwana ywa Muyungu!



E Odhu Njure ayo pia ilalawigwa kwa ngia ya b'arua.

Yeye mwenye kazifaisa mwiini mwakwe e nabhise zehu e wakatti akifwa phade musalabani. Kahenda ja avyo ili husekuwa wahumwa wa nabhise chena, amo huishi kulingana na vide aivyokufed'ani Muyungu.



Sambi e wanafunddi wa Yesu lumwenguni mwotte, wakaya na kujiana phamoja na kuisoma e Bibilia. Wanadya kyakudya na kunwa divai kwa kukumpuka e kifo kya Yesu. Wajamana ja vide vya Muyungu aivyokufed'ani wajamane, na wawajama che maj'irani zao.

Yesu kawapha wanaad'amu
uwezo wa kuttimiza yade ya
Muyungu aiyokufed'ani.



Yesu kakujama!
Ddubha mushukuru na
umuab'ud'u.



Muyungu kaujama sana e lumwengu
mupaka kamuyavya e Mwana madyani
ywakwe, ili kila amuaminiyeo asebadda
amo ad'akawe uzima wa milele.



WILLEM DE VINK

BIBILIA

E sumuizi kuhusu Yesu ianddikwa mude mwe Bibilia. Havi kitab'u kingine ambakyo kisomegwa na kyasomegwani cha sambu mara nyingi kukia e Bibilia. Ni kitab'u ambakyo kijaya vitab'u. Ihaya myaka 1,500 kuanddika e vitab'u vino vyotte. E Bibilia ikamilika myaka 1,900 ikiyeo. Ya kila aina ya sumuizi kuhusu e bifa ya Muyungu akijifunua katika maisha ya wanaad'amu. E sumuizi kuhusu Yesu yaagizani zaid'i kwamba Muyungu ni ga.

MASUMUIZI YA MAMBO YAKIIYEO YA YESU

E Bibilia ya vitab'u vine ambavyo vyaelezeani e maisha ya Yesu. Viphegwa majina kulingana ne majina ye waandishi. E waandishi wote waishi e wakatti wa Yesu

1. Matayo - Ni mwanafunddi ywa Yesu. Ekihenda kazi ya kuhaya kod'i. Kaelezea e bifa ambayo Yesu kawashuhulikia e wantu wa Isiraeli, yani Wayahuddi.

2. Marko - ewa amale ni murugu e wakatti ambao Yesu kahendani kazi. Kaanddika kachuchu sana kuhusu e miuj'iza ya Yesu ahendeyeo.

3. Luka - ewa d'akittari. Yeye mwenye ewa kamuji Yesu. Luka kaelezea e bifa ya Yesu akishuhulikia wantu.



4. Yohana - Cha nae ewa mufuasi ywa Yesu. Ae kaagiza haswa kwamba Yesu ni ga. Yesu ni Muyungu ambae ewa mwanaad'amu ili kuwaweka wantu huru kuyawa ne nabhise zao.

KUVYAYWA KWA YESU

E nina Yesu, yani Maria, ewa amale nkajahaywa e wakatti Yesu akivyaywa. Ewa amale ni galittama. E mupango wa Muyungu ulikuwa kwamba Yesu avyaywe. E muuj'iza ao ulalawigwa mude mwe vitab'u vya kae kab'ula ye wakatti wa Yesu. Yesu nkakuvyaywa ja baryedha au muntu muhimu sana. Kavyaywa b'ad'e pha kiwaho kya kudyesea ngombe kwavide kulikuwa haku nyumba ya nafasi.

MIUJ'IZA YA YESU

Yesu kahenda miuj'iza mingi. E Bibilia ittowa zaid'i ya mara 40 kwamba kaphoza wantu. Kwa ngia ya miuj'iza, Yesu kayagiza e nguvu za Muyungu ne jalala yakwe. Kayagiza kwamba Muyungu ahaj'a kusaid'ia wantu na awehendeze wawe na furaha.



KUFWA KYA YESU NA KUFUFUKA KWAKWE



Kwa nkega Yesu kafwa? E maelezo yayavigwa mude mwe Bibilia.

Saa zingine kila muntu ahenda machowa. Mambo ambayo hayamujamisa Muyungu na yamuhendeza amaranye au asikittike. E mambo ayo yahanigwa nabhise. Nabhise zotte zaweza kumuhendeza muntu asekuwa musau ywa Muyungu.

Ayo ndo sab'ab'u imuyeheyeo Yesu. Kwe kujiyavya kwakwe, Yesu kahuhaiya e adhab'u ye nabhise zehu. E adhab'u ayo ilikuwa ni kifo. Kwavide Yesu kafwa ddubi yehu, haweza hukawa wasau wa Muyungu chena. Amo hafed'ekana huyombe musamaha kwe machowa yade huhendeyeo.

Yesu kafufuka kuyawa kwe wafu. Muyungu kamuhendeza awe rigo chena. Kwe hendo adyo, Muyungu kahuyagiza kwamba ae a uwezo kukia kifo.

Iino sambu Yesu kaishini na Muyungu. Na kwavide kaishini, aweza kuwa musau ywehu saa zo badda chwe. Kafed'ani kuhusaid'ia huishi na ngia ambayo yamufurahisha Muyungu.

MAYOMBI

Kona kuttub'u ddubi ye machowa uhendeyeo na kwafed'ani kuwa musau ywa Muyungu, unaweza kuyomba ja vino:

“Muyungu uiye na jalala, kunijama.

Kumuhuma Yesu, e Mwana ywako madyani.

Kafwa muhini mwa mpacha ddubi ye machowa yangu yotte nihendeyeo.

Nayombani unisamehe e machowa yangu nihendeyeo. Najiuttini sana, nisamehe.

Asantta, kwavide Yesu ke mpande yangu.

Nahaj'a niwe ywako saa zo badda chwe.

Nayombani unisaid'ie niishi e maisha yade uiyokufed'ani ami niishi.

Uwe hafuphi nami saa zo badda chwe.

Asantta kwa kuj'ib'u e mayombi yangu.

Awe unahenda kila ukyaahid'i!”

YESU NAWE

E sumuizi kuhusu Yesu ya mwisu wa kueleweka. Yesu kahenda musau ywa wantu wengi hangu e wakatti ude mupaka sambu. Jiru e lumwengu upittuka. Wantu wengi hawasafiri na mpunda au na farasi amo wasafiri na g'ari au ndeg'e. Amo ayo kwa Yesu havi ugaragara udewonchi. Aweza kuwa nasu ja vide ambavyo ekihiha Isiraeli. Nkaonekana amo yupho d'ugha lili. Yeo dino kafed'ani kuwa musau ywako. Musikiiye na unaweza kumujama.

J'e kwafed'ani kumanya zaid'i kuhusu Yesu na maisha yakwe? Unaweza ukahenda yano phano:

1. Dabha kusoma e Bibilia wewe mwenye

(Kwa mufaano: d'abha kusoma kitab'u kikianddikwa na Luka).

2. D'abha kuyomba:

Bula na Muyungu na umusikiiye.

Unaweza kutumia maneno ya kawaid'a ttu.

3. Bula na wantu wengine kuhusu

Yesu ne Bibilia. Yesu kafed'ani e wafuasi wakwe wawe wakijiana phamoja na kungizana moyo na kujiyongoeza zaid'i kumuhusu ae.



Maswali

Mag'omba ya maswali (Kitab'u kichapishiywekyo):

1. Hayude Yesu kakujani! (p.1-3)(Mat 3:1-17)

- Mboni wantu wajiana phamoja phade geri ye chana?
- Yohana kawamba e wantu wahendeji ili kujittayarisha kwa kuja kwe uhayuma wa Muyungu?

Mag'omba ya maswali (Kitab'u kichapishiywekyo):

2. Viha visivyoonekana (p.4-5)(Mat 4:1-12)

- B'aad'a ya Yesu kuttopyegwa, e Ruhu Mutakatifu kamuphiika kuphi?
- Yesu kahenda nkega aiphokuwa kude yuwandani?
- Shettani kamud'ema Yesu na ngia ga?
- Yesu kahendaji aiphod'emegwa na Shettani?

Mag'omba ya maswali (Kitab'u kichapishiywekyo):

3. Harusi iiyokuwa muji wa Kana (p.6-7)(Yoh 2:1-11)

- Kwankega Yesu kenda muji wa Kana?
- Yesu kahenda muuj'iza ga muji wa Kana?

Mag'omba ya maswali (Kitab'u kichapishiywekyo):

4. Niyubeni (p.8-9)(Mat 4:12-22)

- Yesu kamwamba Pettero ahende nkega? Pettero akittii vihendeka nkega?
- Njoni muniyube ili nimuhendeze wantu wa kulowa wantu. Wantu kwa Kiristto unawayehaji?

Mag'omba ya maswali (Kitab'u kichapishiywekyo):

5. Mayongoezo ya Yesu ya Mulimani (p.10-11)(Mat 5:1-16)

- Wade waiyokuttongeswani ddina na kudharauligwa ddubi ye Uhayuma wa Muyungu, wakujad'akawa b'araka ga?
- Hafed'ekana e maad'ui zehu huwahendeji?

Mag'omba ya maswali (Kitab'u kichapishiywekyo):

6. Kuphonywa! (p.12-13)(Luk 5:17-25, 6:6-11)

- Ni mambo majure ga ambayo hajifundishani kuyawa kwe wasau we mug'onjo?
- Ttowa mambo 2 muhimu ambayo Yesu kayahenda kwe mug'onjo.

Mag'omba ya maswali (Kitab'u kichapishiywekyo):

7. Phamoja na Yesu mashuani (p.14-15)(Mat 8:23-27)

- E wanafunddi wattongana na ddina ga mude mashuani?
- Yesu kaitatuaji e ddina ayo? Nawe kwajifundishani nkega kuhusu e uwezo wa Muyungu?

Mag'omba ya maswali (Kitab'u kichapishiywekyo):

8. Uhuru wa kusettawaligwa na nguvu za Shettani (p.16-17)(Marko 5:1-20)

- Wakikosya mondo we chana, waona ga? Yesu kawahendea nkega?
- Yesu kamwambia e muntu yude ahende nkega?

Mag'omba ya maswali (Kitab'u kichapishiywekyo):

9. E kazi ya Muyungu (p.18-19)(Mat 9:35-10:4)

- Yesu kenda akayombe kuphi? Ni fundisho jure ga ambadyo kwajifundishani kuyawa na dino?

Mag'omba ya maswali (Kitab'u kichapishiywekyo):

10. Yesu kayavya vya kuttosha (p.20-21)(Yoh 6:1-15)

- Yesu kahenda nkega kuyagiza kwamba kawafwea ttei e wantu?

Mag'omba ya maswali (Kitab'u kichapishiywekyo):

11. Amini au ukie zako (p.22-24)(Mat 14:22-33, Yoh 6:22-40, 60-69)

- Kwankega Pettero kad'awa kuzama?
- Yesu akiwauza e wanafunddi wakwe kwamba nao hawangeddarama, wanena nkega? Kwajifundishani nkega kuyawa na adyo?

Mag'omba ya maswali (Kitab'u kichapishiywekyo):

12. Chukuya e musalaba wako (p.25)(Mat 16:13-28)

- Yesu akiwauza e wanafunddi wakwe kwamba ao wakwamba ae ni ga, wamugalichia wamwambaji?
- Yesu kawamba wade we kumuyuba ae wahendeji?

Mag'omba ya maswali (Kitab'u kichapishiywekyo):

13. Mushadhe Muyungu (p.26-27)(Luk 17:11-19)

- Ni wa ga wakimuyomba Yesu awaphonye?
- Kona Muyungu kahuj'ib'u e mayombi yehu, ahuttaraj'ia asu huhendeji?

Mag'omba ya maswali (Kitab'u kichapishiywekyo):

14. Uwe ja mwana muchuchu (p.28)(Luk 19:1-10, Mat 19:13-15)

- Kwankega e viongozi we Kiyahuddi wamuhendeza e mutumishi ywao amuyube Yesu?

Mag'omba ya maswali (Kitab'u kichapishiywekyo):

15. Yesu ndiye aywawapha wantu uzima (p.29-30)(Yoh 11:17-44)

- Yesu kamaanisha nkega akyamba ae ndo ufufuo na uzima?

Mag'omba ya maswali (Kitab'u kichapishiywekyo):

16. Ni Haddi Afwe! (p.31-31)(Yoh 11:45-54)

- Yesu kafufula ga?
- Kwankega e viongozi we Kiyahuddi wamumaranyia Yesu ne wanafunddi wakwe?

Mag'omba ya maswali (Kitab'u kichapishiywekyo):

17. Kumuhishimu Yesu (p.32-32)(Yoh 12:1-11)

- Yesu kamba Maria kahendani nkega, phade akimuhiya mafuha ya marashi e maguyu?

Mag'omba ya maswali (Kitab'u kichapishiywekyo):

18. Haye Munyenyekevu (p.33-34)(Luk 19:29-44)

- Kwankega Yesu kaphaya juyu ya mpunda akokungiani e muji wa Yerusalemu?
- Ni mwanangozi ga ywa kujiyavya ja vugia aywaweza kuhunusia e nabhise zehu?

Mag'omba ya maswali (Kitab'u kichapishiywekyo):

19. Utakaso Mukuyu (p.35-36)(Luk 19:45-48)

- Yesu akingia mude hekaluni, mboni kawamaranyia e wantu?

Mag'omba ya maswali (Kitab'u kichapishiywekyo):

20. Kuguzwa kwa Yesu (p.37-38)(Mat 26:14-19)

- Ni ga yude akipokea waro na kumuguza Yesu?

Mag'omba ya maswali (Kitab'u kichapishiywekyo):

21. Kukosana e maguyu (p.39-40)(Yoh 13:1-35)

- E jila ye Pasaka ya muhimu ga?
- Yesu kamaanisha nkega akyamba yude aiye mutumishi akuwa b'wana?

Mag'omba ya maswali (Kitab'u kichapishiywekyo):

22. Meza ya B'wana (p.41)(Mat 26:26-30, Yoh 13:34-38)

- Yesu kamaanisha nkega akyamba uno ndo mwii wangu na uno ndo mwazi wangu?
- Yesu kawambia e wanafunddi wakwe wahende nkega kuyagiza kwamba ao d'ugha lili ni wanafundi wakwe?

Mag'omba ya maswali (Kitab'u kichapishiywekyo):

23. Kukabwa kwa Yesu (p.42-43)(Yoh 14:1-31, Mat 26:36-56)

- Yesu kawambia e wanafunddi wakwe kwamba Muyungu awapha nkega?
- Yesu kamaanisha nkega akyamba, "Ami ndimi e ngia, ndimi e d'ugha na ndimi yude aywawapha e wantu maisha ya milele"?

Mag'omba ya maswali (Kitab'u kichapishiywekyo):

24. E ddubi ya Yesu (p.44-45)(Mat 26:57-75)

- Ni ga yude akikana kwamba kamuji Yesu?
- Mukiristto aweza kuhenda nkega kuyagiza kwamba kamukana Yesu?

Mag'omba ya maswali (Kitab'u kichapishiywekyo):

25. Hukumu ya kufwa (p.46-47)(Mat 27:11-30, Yoh 18:28-40)

- Kwankega Yesu kagwiywa?

Mag'omba ya maswali (Kitab'u kichapishiywekyo):

26. Kwe musalaba (p.48)(Yoh 19:1-18)

- Yesu kamuyomba ise awahendeji wade ambao wamusulubisha?
- Hajifundishani nkega kuyawa na dino?

Mag'omba ya maswali (Kitab'u kichapishiywekyo):

27. Kalaanigwa (p.49)(Mat 27:3-10, Luk 23:32-34)

- Yude akimuguza Yesu ddubi ya waro ni ga?

Mag'omba ya maswali (Kitab'u kichapishiywekyo):

28. Yesu kahuna soho (p.50-51)(Luk 23:32-46, Mat 27:46-50, Yoh 19:25-30)

- Kahi ye wevi wade, ni yuphi ambae Yesu kamuahid'i kwamba akuwa nae paradiso na kwankega?

Mag'omba ya maswali (Kitab'u kichapishiywekyo):

29. Yesu kajiavya sad'aka (p.52)(Yoh 19:31-42)

- E dya Yesu aneneedyo mwisio kab'ula kajahuna soho ni diphi?

Mag'omba ya maswali (Kitab'u kichapishiywekyo):

30. Yesu ka rigo (p.53-54)(Marko 16:1-9, Yoh 20:1-18)

- E wake wade wakyenda kude kab'urini e siku ya hahu, e malaika kawambaji?

Mag'omba ya maswali (Kitab'u kichapishiywekyo):

31. Yesu ka phamoja nasu (p.55)(Luk 24:13-43, Yoh 20:19-29)

- Yesu akimucholokea Maria, kamwambaji?

Mag'omba ya maswali (Kitab'u kichapishiywekyo):

32. Havi dingine "Ndimi Nguzi" (p.56-57)(Yoh 21:1-19, Mat 28:16-20)

- Yesu kamwambia Pettero ne wanafunddi wangine wahendeji?

Mag'omba ya maswali (Kitab'u kichapishiywekyo):

33. Shuhud'ia (p.58)(Mah 2:22-39)

- E wanafunddi wakijiana phamoja na kuyomba, wapokea nkega kuyawa kwa Muyungu?

Mag'omba ya maswali (Kitab'u kichapishiywekyo):

34. Muyungu ka hafuphi (p.59)(Waef. 1:1-15)

- Ni ushahid'i ga wa kuyagiza kwamba Muyungu kaujama e lumwengu?

Text and illustrations: Willem de Vink.

Copyright © 1993 Stichting Wereldtaal, Houten, The Netherlands.

Published in Dutch as "Jezus Messias".

Edition in Upper Pokomo (Kenya) © 2023

Digital copyright under the terms of the Creative Commons BY-SA license

All rights of translation, reproduction and adaptation reserved for all countries.

e-mail: jmpbk.app@gmail.com

<https://www.jesussmessiahcomicmedia.com/kenya>

YESU MASIHI: Yano ni masumuizi ya d'ugha ya Yesu Masihi. Kaishi ninchi ya Isiraeli myaka 2000 ikiyeyo. Kila muntu akittongana nae kamaka. Havi muntu ambae kaweza kuhenda yade ambayo ae kayahenda. Havi muntu ambae kaweza kunena kide ambakyo ae kakinena. Kila endeepho kahenda miuj'iza. Na kayeha furaha na raha kwa wade wote wakaiyeo kumusikiya. Amo havikud'iwa, yaja yasia akifwa. Hatta hivyo, ao haukuwa mwisio. Unaweza kujisomea e Bibilia uone e bifa ye Odhu ya Yesu Masihi iivyokuendeleani.



Lugha: Upper Pokomo
Language: Upper Pokomo (Kenya)
ISBN: 978-94-93178-92-2